



陝西

府谷縣志

(二)

000970

成文出版社有限公司印行

中國方志叢書·華北地方·第二八二號

據

清

·

鄭

居

中

等

纂

修

乾隆四十八年刊本

影印



民院圖書館 00218033

名宦

漢

孟舒故趙王張耳賓客耳薨子敖嗣王以貫高事被逮詔
敢有從敖至者族舒自髡鉗與田叔等十餘人隨王至
長安事得白拜雲中太守十餘年戎騎入舒以士卒罷
敵不忍言戰士卒感舒恩爭臨城死敵傷數百人坐免
官文帝適召漢中守田叔問曰公知天下長者乎叔頓
首曰故雲中守孟舒長者也帝曰先帝置舒雲中十餘
年戎騎一入舒不能堅守士卒戰死者數百人長者固

殺人乎叔曰此孟舒之所以爲長者也當髡鉗願以身
死張王時豈自知爲雲中守哉漢楚相距日久士卒罷
敝而冒頓新服孟舒憫憐士卒故閉城收保不忍戰士
爭臨城擊敵如子爲父以是死者數百人孟舒豈毆之
哉帝曰賢哉孟舒卽復召以爲雲中太守

漢書
本傳

魏尚以文帝十年繼孟舒爲雲中太守軍市租盡以養士
卒出私養錢五日一椎牛以饗軍吏舍人戎騎引避不
近塞者數年十四年躡人尚率車騎擊之殺馘甚衆上
功幕府級不相應徵下吏輸將作徒帝念雲中搏髀而

思賢將問卽馮唐曰吾居代時素聞趙將李廉之賢唐言雖得頗牧不能用也因備道尚大有邊功一言不相

吏繩以法使豪傑墮氣士卒離心由此言之陛

下近一魏尚而不能遠慕頗牧哉帝說卽日令馮唐持

節赦魏尚復以爲雲中太守

漢書本傳

馬立字聖卿父奉世野王弟通春秋竟寧中以王舅出爲

五原屬國都尉數年遷五原太守徙西河上郡立居職

公廉治行畧與野王相似而多知有恩貸好爲條教與

兄野王相代爲太守吏民歌之

漢書馮奉世傳

廉范杜陵人舉茂才數月間遷爲雲中太守時明帝永平十四年也十六年春邊外兵大入塞烽火日通故事戎騎過五千移檄旁郡請援於是吏以爲請范不聽自率郡兵拒之戎騎數倍於我會日暮范令軍中每人各縛兩炬三頭燹火營中星列望者謂救兵大至驚欲遁比旦范乃令軍蓐食馳往赴之戎騎擾亂自相譁籍乘勝獲捷由此不復向雲中

漢書本傳

耿秉字伯初國子好將帥畧以父任爲郎數上兵事肅宗建初元年拜度遼將軍視事七年匈奴懷其恩信章和

耿夔字定公秉弟少有氣決永元初爲竇憲假司馬北擊
匈奴轉騎都尉三年復出河西爲大將軍左校尉將精
騎八百出居延塞直奔北單于庭於金微山斬闕氏名
王已下五千餘級單于脫亡後封粟邑侯元興元年貊
人寇郡界夔擊斬其渠帥永初三年南單于反使夔率
鮮卑及諸郡兵屯鴈門單于遣薁鞬日逐王三千餘人
遮漢兵夔擊其左令鮮卑攻其右酋敗走追斬千餘級
建光中拜度遼將軍時鮮卑攻殺雲中太守成嚴圍烏

桓校尉徐常於馬城薨與幽州刺史龐參救之追首出

塞而還後坐法卒於家

後漢書
耿弇傳

崔實字子正涿郡人明於政體吏才有餘爲五原太守五
原土宜麻枲而俗不知織績民冬月無衣績細草卧其
中見吏則衣草而出實至官斥賣儲峙爲作紡績織絰
練緼之具教之民得以免寒苦是時胡曹連入雲中朔
方殺畧吏民一歲至九奔命實整厲士馬嚴烽堠寇不

敢犯常爲邊最

後漢書
崔駰傳

陳龜字叔珍上黨涇氏人永建中舉孝廉遷五原太守拜

京兆尹時三轉強豪之族多侵枉小民龜到厲威嚴悉

平理其怨屈者郡內大悅

後漢書本傳

張奐字然明酒泉人舉賢良擢拜議郎延熹元年鮮卑寇邊奐率南單于襲之斬首數百級遷度遼將軍數載間幽并清淨九年爲護匈奴中郎將鮮卑出塞去後遷拜

大司農卒年七十八

後漢書本傳

李膺字元禮名重一世兼識弼鈐桓帝永壽二年秋鮮卑寇雲中帝聞膺名徵拜度遼將軍先是羌戎及疏勒龜茲數出攻鈐雲中及張掖酒泉膺到諸羌望風懾服先

所掠男女皆送還塞下聲振遠域

後漢書本傳

隋

賀婁子幹字萬壽本代人隨魏氏南遷世居關右少以驍武知名高祖以子幹曉習邊事授榆關總管歲餘拜雲州刺史後數年突厥遣使請降並獻羊馬詔以子幹爲行軍總管出西北道應接之還拜雲州總管以母憂去職朝廷以榆關重鎮非子幹不可起視事卒官謚曰懷子幹兄詮亦有才器至北地太守

隋書本傳

杜彥雲中人父遷徙家於幽州彥性勇果善騎射雲州賀婁

子幹卒上曰榆林國之重鎮安得子幹之輩於是徵彥
拜雲州總管突厥復寇雲州以彥素爲突厥所憚復拜
雲州總管未幾以疾徵還卒

隋書本傳

唐

楊宏禮字履莊華陰人隋尚書令素弟之子永徽時爲勝
州都督初高祖卽位以素有功於隋詔宏禮襲清河郡
公除太子通事舍人太宗征遼東拜兵部侍郎駐驛之
役領步騎二十四軍跳出賊背所向摧靡帝自山下望
其衆謂許敬宗曰越公兒卽故有家風爲崑邱道副大

總管破處密殺焉者王降馭支部獲龜茲于閩王訛旋
會帝崩大臣疾之下遷涇州刺史後追論其功遷勝州
都督改太府卿卒諡曰質

唐書
本傳

柴紹字嗣昌晉州臨汾人武德六年吐谷渾寇洮州圍急
紹遣人彈胡琵琶二女子對舞敵方聚觀紹以精騎擊
其後大敗之貞觀三年以右衛大將軍討梁師都其下
殺之以降以其地爲夏州授勝州都督四年以左武衛
大將軍出金河道與李勣等凡六總管師十萬討頡利
滅突厥先是平陽昭公主高祖第三女下嫁紹高祖初

趙興太原召紹赴敵紹曰尊公舉兵今偕行則不可留
此則及禍奈何李氏曰君第速行我一婦人易潛匿紹
遂行李氏歸鄆縣別墅散家貲聚徒衆西城商胡何潛
仁人司竹園爲盜有衆萬數李氏使其奴馬三寶說降
與淵從弟神通合勢攻鄆縣下之又使馬三寶說羣盜
李仲文等降狗齏屋武功始平皆下之衆至七萬各遣
使迎淵淵使紹將數百騎並南山迎李氏關中群盜皆
請降淵以書慰勞使受世民節度武德六年薨將葬高
祖曰往者公主舉兵以應義旗親執金鼓有克定之勲

周之文母列於十亂公主功參佐命非常婦人所匹特
加鼓吹軍樂以旌殊績

綱鑑

按秦漢以來史氏艷稱婦人有將畧者李氏外陳洗氏
明慈良玉其次張銓妻霍氏之善守亦有足多者洗氏
平涼太守馮寶妻陽春太守馮僕母也自念忠貞兩世
歐陽紇反發兵拒境帥諸酋長迎章昭達共討平之僕
以母功遷石龍太守洗爲石龍太夫人良玉嫁石硯宣
撫使里千乘饒膽智善騎射兼通詞翰夫婦南川路戰
功第一俊千乘以部民訟庾死雲陽獄良玉代領其職

賊下巖峻戎武振肅時號白桿兵爲遠近所聞歷著戰

功張獻忠陷蜀賊無敢至石砬者霍氏當流賊起時

謂避賊而出家不保身更不保率童僕堅守其翁五典

所築之竇莊堡賊環攻四晝夜不克而去鄉人避賊者

并多賴以全副使王肇生名其堡曰夫人城又宋楊文

廣妻慕容氏亦雅稱善戰今保德城南慕塔村猶其故

地噫此五巾幗也固其材質軼倫曉練將畧而禦由其

忠義之志氣勃發於中而後有如是之智計強勇一往

莫禦之概彼夫身受國恩雄勵貔貅而臨敵蝟蟪禽匿

者真有覲面目哉

宋

尹憲并州晉陽人太宗卽位擢爲殿直充延州保安軍使
太平興國四年護府州屯兵與鄜州三族攻護夏州兵
轉供備庫以殺戮三沒醜奴莊岌加羅賦葉十四族及
誘其渠帥屢降詔書褒美雍熙初詔就知夏州攻破李
繼遷之衆於地斤澤繼遷遁定俘獲四百餘帳奏請於
所部抽移諸帳別置騎兵號曰平若以備其用詔從之

宋史
本傳

張旨字仲微懷州河內人元昊反通判府州州依山無外
城旨將築之州將曰吾州據險敵必不來旨不聽城垂
就寇大至乃聯巨木補其罅守以强弩中外不相聞者
累日人心震恐庫有雜綵數千段旨矯詔賜築城卒卒
皆東望呼萬歲賊疑救至小却州無井民取河水以飲
賊斷其路旨夜開門率兵擊賊以管軍壁兩傍使民出
汲復以渠泥覆積草賊望見以爲水有餘隨解去以功
遷都官員外郎尋卒

宋史
本傳

張亢字公壽臨濮人天禧三年進士爲通判鎮戎軍上言

趙德明子元昊喜誅殺勢必難制宜亟防邊因論西北
攻守之計會元昊益熾以兵圍河外康德與無守禦才
屬戶豪也囉叛去導夏人自後河川襲府州屯琉璃堡
徙亢爲并代都鈐轄管勾麟府軍馬事單騎叩城出所
授敕示城上門啟旣入卽縱民樵采汲澗以州東焦山
有石炭穴爲築東勝堡旁有蔬畦爲築金城堡州北沙
院有水泉爲築安定堡置兵守之募敢戰者數百人使
擊賊持賊首獻者躬自犒獎於是禁旅悉慚奮擊賊大
破之知士可用始襲擊琉璃堡大破之夏人棄堡去時